

اطروحة



جر الحكي بغضه بعض بإسلوب متجاذب

صارت له سطور و وطن وأبواب مفتوحة

أسمع ملامة خافقي واشزّه العاتب

من روح صارت مقبرة لأحلام مذبوحة

العين صارت للأسف تعالى على الحاجب

وهم فوقها الحاجب رضا واستلطف اللوحه

تدري متى قل الحكي اليجمد على الشارب

لما سمحنا للكذب إيعلي ضروحة

والغيبه ماخلت بعد أي عذر للغايب

ناكل صداقة بغضنا وانزیدها املوحة

ماشوف للرجلي بعد حق على الراكب

كل على جيبه غدت عينيه مفتوحة

وضع غدى فيه الأخو يشكر على الواجب

حقه الغريب ان ماشره واستوطن اجروحه

كل واحد منا ترك حبله على الغارب

وانلوم السارق على بيبان مفتوحة

وناس تعيب أهل الكرم واتمجد الجادب

واللوم فيها يلتهم من طالت اشبوحة

وساحه بها قل الفكر واستفقد الكاتب

ما أنست وحشة فراغه أحرف مسفوحة

شعر كثير وللاسف ما هو ابمتراكب

هذي ادموعك يا أذب ماهي ابمسوحة

ذا قبض من فيض بدى من واقع شاحب

من شاعر لكل من قرأه أيقدم اطروحة

عبدالله صلال العساف

حنيت لك

علمني بالله من تروح
كيف أداوي هالجراح
اشلون اعيش اب غربي
اشلون أبدد وحشتي
وأنا حنيتني كالغريب
لما يتوه اب دنيته
لما تخونه خطوته
ويضيع في عتمة طريق
مثل الغريق
ال محتاج يتنفس وطن ..

آنا غريبه اب غيبك
والناس من حولي سراب
متوحشه كل الدروب
وعيووني متروسه ضباب
والروح مرمرها الشجن

حنيت لك
حنيت لك

وما اريد غيرك لي وطن ..

منتهم القريش

حنيت لك ..
تدري اشكر؟
كتر الغريب ..
لما يحن لارض الوطن
كتر الحليب ..
باصدور إحدى الأمهات
لو بيتعد عنه الرضيع
يشتاك لاشغاته ويحن

كتر اليتيم
اللي فقد أمه و ابوه
واب فقدهم
ماتت ب ايدينه الأمنيات
ومن كثر ما عاش الشتات
ذبل عوده وانكسر .. مثل الغصن

حنيت لك
كتر الدموع الحايه
اللي مثل غصه اوقفت
ما بين رمشي والجفن

وانت الوطن ..
أقفي وراح

الارض بتتكلم شعبي

ياسعد عينك بالطرب بالحمامة
ياللي على خضر الجرايد اتغنين
عزي لعينك وان درى بك سلامه
خلاك مثلي بالحمامة تونين
كسر اعظامي كسر الله اعظامه
شوفي مضارب شوحطه بالحاجين
جانني يقول مروحينه عمامه
الله يخرب ديرة لاصفر العين
ان كان ودك بالطرب والسلامه
عليك بالفرعة ابلاد الوادعين
تنحري ربع تفك الجهامه
فكاكه القتالات بالعسر واللين
دخيلهم ماأحد على الحق ضامه
لو هو ضعيف الحال مايلحقه دين

مويضي البرازية

